

## Hakkiwa Adamganabe

Dunya Ngaro Wowurtəgenama

Katiwu Kura

Adamgana woso kalkal ye kamanzəga nəmngalwo hakkiwa-a nambe-a kənzambibelan kozənyi ye.

Lardəwa Tawakkata Dunyabedə hakkiwa adamganabe ndubesoga haptaa-a nzətəkawo-a nzəliwo-asoro tarai cizə dazəna. Tarai cizə datənzə adə Tawakam Lardəwa Tawakkata Dunyabebe duwo nəmkmam ummawa dunyabebe suro hakkiwa adamganabe-a kuru suro daraja-a nəmngalwo-a ummabe yitatawatsəgenadəben culuwo.

Suro Hakkiwa Adamganabe Dunya Ngaro Wowurtəgenadəben Lardəwa Tawakkata Dunyabedəye futu kəskelan asutinro hakkiwa duwo kam wosoro kalkalro kartaa adəga bayangono.

Hakkiwa anyi nyiro kartaa.

Sandi anyi hakkiwanəm

Sandiga tigənəmro fatkəgene. Banane sandiga hapkəgene ye liwe ye kəlanəm-a ummawa amanəm gade gapsəna-asoro.

Hakkiwa Adamganabe

Dunya Ngaro Wowurtəgenama

Yitagattəgə

Adəgaima tada adamganabebe nəmngalwonzə kambaata adə-a nəmnduasoo kalkalnzə-a hakkiwanzə Alanjo-adə shima ferno nəmkambe-a jirebe-a nələfabe-aro dunya ngason asutəna,

Adəgaima hakkiwa adamganabero cistəgə ba-a fallaktə-abe sawowuro kəndowa halye kurzənyi waazə hangal adamganabero karega rozəgəna, kuru dunya duwo suron adamganasoye tamtam hakkinza manabe-a nzasarabe-a kuru nambe duwo dalil baaro citə-a jero-abadə shima awo talaawaye təmazana woro warmowotə,

Adəgaima awo mərədətənədə susu adamganaga dunon təkəkə nəmzaləm-a njokuno-a kəriwutəbedəro howum maibeye hakkiwanzaga səliwodəma, Adəgaima awo mərədətənədə tawaa-a nəmkam-a indikate lardəwaben haptaadəma,

Adəgaima ummawa Lardəwa Tawakkata Dunyabeye suro Tawakamdəben kamburshenza kəla hakkiwa adamganaben nanazaana, kəla daraja-a nəmngalwo-a adamganabe-a kəla kamu-a kwa-a hakkinza kalkal-aben kasade gozana tamtam-a kəndəga ngəla-a hapsaa nambe gayaga fandoro, Adəgaima Lardəwa Məmba Kaapkadəbe woso wadəga gozana, tawaa Lardəwa Tawakkata Dunyabəmben, daaraja ndubeso haptaa-a hakkiwa adamganabe-a nambe gaya lajiptə-a galtero,

Adəgaima wadə adəga yitagatəgə nankaro hakkiwa-a nambe anyi-a asutadə awoye gaya linta,

Adə Nankaro

Samno Kura Dunyabedəye

Hakkiwa Adamganabe

Dunya Ngaro Wowurtəgəna Adəga

warmazəgə

shima mizan ummawa-a lardəwa-a duksoye yitagattəgəbe wo, daji daryenzədə ndu-a nduana-aso fellawan kunte, Wowur adəga karəgən roza, ndusoro yikkəlilo-a ilmutəgə-an hakkiwa-a nambe anyi-abe nəmgayanza haptaaro, suro lardəbe-a indikate lardəwabe-ason ndusoye kalkalro asuzə lajipsə, suro ummawa Lardəwa Məmba Karapkadəbe-a suro ummawa gade sədiyanzalan dawuna-ason.

Babu 1

Adamgana woso kambe katambo ye daraja-a hakkiwa-ason kalkalye. Hankal-a nazaru-asoro kəzəpkə ye suro hal nəmhamibən kamazasoga letaiyin ye.

Babu 2

Hakkiwa-a nambe a suro Wowur adäben dëganadë ndu-a nduana-aso kartaa, gayirtë futubibema baaro, gayirta alama jilibeso, kadigëbeso, alagëbeso, tëlambeso, adinbeso, siyasabeso au rayiwu, lardë gade au kaduwu gade, kënganti, tambo au awowa laa gade anyiga samunzëna.

Anyibe ngawoman nduma këla siyasaben kal, këntëwoben kal au daraja dunyalabe sawawuro kal kërye au lardë kamdë dëganabe sawawuro gayirtinba. Lardë shi gultënama adë kërmai këlanzëben karga, amanaro musko lardë gadeben karga, këlanzëlangënyi karga au sëdiya kaidawa këntëwobe laan karga yaye kal.

### Babu 3

Ndu yaye hakkinzë këla ronzë-a nëmka benzë-a nëlefa këlanzë-aben mbeji.

### Babu 4

Nduma kënji au kaliyaro tëgandinba, nëm kënjiro gërtë-a kënji lado-aso awostë ye daptë ye.

### Babu 5

Nduma njokunoso, nëm këladoso, shimaso, azawaso, gënatëginba.

### Babu 6

Ndu yaye hakkinzë ndaran yaye shiga kamro asutabe mbeji fuwu howumbelan.

### Babu 7

Nduso fuwu howumben kalkal ye kuru gayirta baaro howumye sandiga sëliwin ye. Nduso hakkinzë nzëliwobe mbeji gayirtalan fallaktë Wowur adëbe sawawuro-a këla lan laa gade gayirtadë nankaro waazëna-alan.

### Babu 8

Ndu yaye hakkinzè sèlwu sandèna mataabe mbeji shara rakkata lardèbelan kèla hakkinzè gaya linta dusturye au howumye shiro cina namtènenaben.

#### Babu 9

Nduma dalil baaro kèntaso, jeroso, lardèn dutaso ba.

#### Babu 10

Ndu yaye hakkinzè futu mèradèzènarò shiga shara naptè kèlanzèbe walama baa ye jirea yebe kèrèntabe mbeji kèla hakkinzè-a kaidawanzè-a kuru awowa gade shara zèganyi-a tawattaaben.

#### Babu 11

1. Ndu yaye ngawo ayawu sèdènenaben angèrdè hakkinzè kawu shiro fuwu sharaben ngawo sèliwo mèradètèna shiro sadènenaben ayawunzèga tawatsaginro.
2. Nduma kèla awo abima genyiben ayawuro tètèinba futubin waano yaye ayawudè ayawuro walzènyiga, sèdiya howum lardèben au indikate lardèwaben, sa ayawu adè tédènaladèn. Biya gènatèginro walwono yaye ayawu sadèn tédènadèga kozèna gènatèginba.

#### Babu 12

Ndu kèla baaro wujirwa kèlanzèbema, yalwanzèbema, au lamar lenèm-arenzèbemaro ci tèkinba, biya kèla nèmkanzè-a darajanzè-abe nankaro fitènatinba. Ndu yaye hakkinzè howumye shiga nzèlifobe mbeji kèla dalil baaro wujirwanzèro ci nzèkko-a fitènatè-abèn.

#### Babu 13

1. Ndu yaye hakkinzè famno-a fato gar-abe mbeji suro dèrinèmkèlle lardè ndasoben yaye.

2. Ndu yaye hakkinzè lardèbi yaye luwum koltèbe mbeji, lardè kaanzèn kunten, kuru lardènzèro waltaabe ye mbeji.

#### Babu 14

1. Ndu yaye hakkinzè lardèwa gaden nafaka nzèliwo kèlanzèbe nankaro mata-a fando-abe mbeji.
2. Hakki adè ayawuwa gade siyasaa letanyi au bigèwa gade nya-a kasadè-a Lardèwa Tawakkata Dunyabea kèla kèlzanyiro faidatinba.

#### Babu 15

1. Ndu yaye hakkinzè nèmkam lardèbenzè mbeji.
2. Nduma dalil baaro nèmkam lardèbenzè adèga daptinba ye hakkinzè duwo nèmkam lardèbenzè faltèbe yega daptinba.

#### Babu 16

1. Kamuwa-a kongawa-a wuraata angalla woso, kalangi abibema baaro jilibema, lardèbema, au adin gadebema , hakkinza nyiya kèndobe-a yal fandobe-aso mbeji. Sa nyiga kèndobelan sandi indiso hakkinza kalkal kuru adègaima sa gadetèbe ishiya ye.
2. Nyiyadè sai kasada sandi indi kamudè-a kwadè-abe mbejilan duwo tèdin.
3. Kèndèga kamun kwanbedè shima badiyaram mèradègata gaya ummabe wo kuru sandiga kèndègaram-a kèrye-ason sèlifodè hakkinza.

#### Babu 17

1. Ndu yaye runzèlaro razègè gantodè hakkinzè kuru adègaima shi-a am-a kèltèm
2. gantodè ye.
3. Nduma dalil baaro razègènzèga firtinba.

## Babu 18

Ndu yaye hakkinzè nazaru kèndobe-a tawakarbe-a adinbe-a mbeji, suro hakki adèben nambe adinnzè au nzasaranzè faltèbe-a nambe shi tilonzè au suro jamuwubelan fetero au ashirlan adinzè au nzasaranzè yikkèlio-a kèndo-a abuttè-a lajiptè-alan tartaabe mbeji.

## Babu 19

Ndu yaye hakkinzè rayiwu-a bayan kèndo-abe mbeji, suro hakki adèben nambe rayiwunzè kalma baaro bayanjin kuru shilan nzèra majin ye sèmoyin ye kuru hawarazègin futu hawarbe jilibin yaye kèlangai baaro.

## Babu 20

1. Ndu yaye hakkinzè suro nèlefaben samno sapta-a maamala kèndo-abe mbeji.
2. Nduma dunon karapka kasatsènyiro nzèkko ba.

## Babu 21

1. Ndu yaye hakkinzè suro gumnati lardènzèbero ci nzèkobe mbeji, shi kèlanzè au wokkilnzè futu kalkallan kartènamben.
2. Ndu yaye hakkinzè suro lardènzèben jamaro tunotobe mbeji.
3. Kasada jamabedè shima fèrtè kèntèwo gumnatibero walzè, kasada adè suro karno gondua ye jirebe ye lardè kèpson ndu-a nduana-asoye sèdin ye kuru kuriya suro ashirlan au ashirga samunzènalán tèdinbelan bayantè.

## Babu 22

Ndu yaye kèla shi memba ummabedèn, hakkinzè nzèliwo-a asutè-abe mbeji, kasadè lardèbembèn au tawaa indikate lardèwabembèn futu fasal-a nyama-a lardèdèbe lègatarro, razègè-a nèmkamnzè-a tègalisè baaro yita fuwutègè.

## Babu 23

1. Ndu yaye hakkinzè cida kèndobe mbeji, cida sèragèna karzè kèndo-a futu kaida sandènalán kèndo-a kurumason kaidu cida babelán shiga nzètakawo-a.
2. Ndu yaye, gayirtè futubibema baaro, hakkinzè cida sèdèna lègatarro shiga alutèbe mbeji.
3. Ndu yaye cidama sèdinga hakkinzè awo alutèginmadè shi-a yalwanzè-a futu darajanza nèmadamganabe lègatarro sandiga cittènnama alutègèbe mbeji kuru nzèra yaye nasha laa jamaro nafaka kènjobelán mbejiga diwijiinba.
4. Ndu yaye hakkinzè karapka cidawube koktabe au kèlanzè nzèkkobe mbeji tamtam kèlanzèbe nzèliwo nankaro.

## Babu 24

Ndu yaye hakkinzè tusu-a kundushi kèndo-abe mbeji, loktu cidabe angalbe kurzèna-a batalla biyaa-a kunten.

## Babu 25

1. Ndu yaye hakkinzè futu kalkalro mèradètènarò kèndègàbe nèlèfa-a kèndèga kèji shi kèlanzè-a yalwanzè-abe mbeji, hatta kèmbu-a kènzà-a kazèmu-a fato-a, kurun-a awowa gade tamtambe mèradètènan kunten-a, kuru hakkinzè shiga nzètakawobe mbeji waneè cidaba laa, kundondi laa, nèmmaskin laa, nèmkaamba laa, ngèli kurwu laa au kèndègaram kunbalinbe laaye shiro kènteri cuwutoga.
2. Ya kèndewu-a tada tiwal-aso ngèlaro cistègè mèradèzana. Duli dukso, nyiyaa au nyiya baalan katambo yaye sèliwo fandodè hakkinza.

## Babu 26

1. Ndu yaye hakkinzə shiro ilmu kənjobe mbeji. Ilmu gultəna adə de sulro tin, gananzə yaye ilmu badiyarambe-a fuwunzəbe mərədətəna-a. Ilmu badiyarambe gultəna adə kənjonzədə mburo walzəna. Ilmu nzundube-a shanabe-adə ndarason mbeji ye təwandin yero tədə kuru adəgaima ilmu sandin fuwunbedə ye ndusoye səwandə kərajinro walzə natəgəye suwudiya.
2. Ilmudə nəm kam kamilga garta-a dunoatə hakkiwa adamganabe-a nambenzə-a nganzazəro walzə. Asutu-a kanadi-a nəm kam-a indikate lardəwaben fuwuzəgin. Nəmgade jilibə au adinbe baro sədin, kuru lardəwa Tawakkata Dunyabeye cidanzə nələfa rotabedəga yitafuwuzəgin.
3. Yaso Awasoye hakkinza burwoza jili ilmube mərədəzana karza dulinzaro gultəgəbe mbeji.

#### Babu 27

1. Ndu yaye hakkinzə kal baaro lamarwa adabe jamabelan gaam luwobe mbeji, adawadən tamtam fantə-a yasan ngalwotəgənzəro kəla nəzəkko-a kuru faidanzən riwa fando-a.
2. Ndu yaye hakkinzə nəzəliwobe mbeji kəla lamar bərzəm-a kəla ro-aben cida nasha kimiyaben kal, ruwoben kal au muskon tandoben kal shima kunkunzə sutuluiya.

#### Babu 28

Ndu yaye hakkinzə howum duwo hakkiwa-a nambe-a suro Wowur adəben dəganadega yita bayanzəginma gantobe mbeji.

#### Babu 29

1. Ndu yaye cida jama suron dəgana sandi baslan nəm kamnzə kaima baaro yitafuwuzəgin adəbe kəndobe mbeji.



2. Suro hakkiwanzə-a nambenzə-a yitagatsəginben, ndu yaye kəlangai howumye gənazənaro dazəgin təganasməro dalil hakkiwa-a nambe-a jama gade gapsanadəbe asutə darajatə-a mərədəwa lamarwa bərzəmbə-a kaida suro jamaben kəndəgabe-a suro naptəram demokəradiyaben nəlefa fando-a.
3. Hakkiwa-a nambe-a anyi futubiman dalil Lardəwa Tawakkata Duniyabeye ferzənədən nguron dalilwa gadero faidatinba.

### Babu 30

Abima suro Wowur adəben fasaranzə lardəro, samnaro au kamro kartaaro tən̄yi, amari hakki abima kəndobe au nya laa nganzatəbe kəla hakkiwa-a nambe-a suro adəlan dəganadəben bannaro fasartən̄yi ye tən̄yi ye.